

天台四教儀集註卷第九

世十

南天竺沙門 楼潤 集

次從八信至十信斷界內外塵沙惑盡假觀
現前見俗諦理開法眼成道種智行四百由
旬與別教八九十住及行向位齊行不退也

雖約位斷證格量似齊圓別即離不可一

混又此六根明下根出假功逾十向此是
相似圓融三諦不同次第出假之位又五
品明中根出假五品之初爲上根亦約觀
行論坐道場度衆生等又輔行五上云以

初住爲真出假位

次入初住斷一品無明證一分三德謂解脫
般若法身此之三德不縱不橫如世伊三點
若天主三目現身百界八相成道廣濟羣生
此明斷惑證理全體起用三德次第本法

身般若解脫今順初住緣了正三心開發
而爲次也言不縱不橫者異乎別教非縱
即橫也釋籤二作筆字者誤云雖二點在上不同點
水之縱三德亦爾雖法身本有不同別教
爲惑所覆雖二點在下不同烈火之橫三
德亦爾以釋籤中作筆字者誤妙宗引作以字者正二德修成
不同別人理體具足而不相收如妙宗云
三雖性具緣了是修二雖是修非適今有
二若非修三法則橫二若非性三法則縱
三點三目出大經哀歎品西方有新舊二
伊舊伊如橫川走火點水之縱新伊如此
方草書下字細畫相貫不縱不橫摩醯首
羅有三目八臂八相者華嚴云或見入胎
等皆云或者一一相中皆有八相故文
華嚴經云初發心時便成正覺所有慧身不

由他悟清淨妙法身湛然應一切解曰初發心者初住名也便成正覺者成八相佛也是分證果即此教真因謂成妙覺謬之甚矣若如是者二住已去諸位徒施若言重說者佛有煩重之咎雖有位位各攝諸位之言又云

世一

發心究竟二不別須知攝之所由細識不一之旨龍女便成正覺諸聲聞人受當來成佛記前皆是此位成佛之相慧身即般若德了因性開發妙法身即法身德正因性開發應一切即解脫德即緣因性開發如此三身發得本有故言不由他悟中觀現前開佛眼成一切種智行五百由旬到寶所初居實報無障闕土念不退位

此下引經釋出就斥他謬雖云各攝諸位須知攝之所由者由理具故雖云發心究

竟不別細識不二之旨者旨在於即即具之理雖爾淺深之事位那不分即故初後不二六故初後不濫位位各攝諸位者如大品初阿後茶中四十字初阿字門具四十二字後茶字門亦然又如華嚴一地具諸地功德大經云發心究竟二不別如是二心前心難發心即初住究竟即妙覺龍女成佛文從權說以證圓經成佛速疾若實行不疾權行徒施權實義等理不徒然如妙樂八世五諸聲聞授刻國名號與物結緣文發得本有者妙宗上二云今初住所發三法皆性具故發則俱發從智證法從法起應即非一時三身頓得故前後不縱不橫復見於此從始圓修一心三觀今圓三智一心中得即以此智證得法身

智性即色三一體融名妙色身此身湛寂
如鑒無情形對像生山毫靡間名應一切
三身三德體離縱橫文中觀現前者既三
因開發應三智圓明五眼洞照今但云佛
眼種智者中必雙照三智具足四眼入佛

眼同名爲佛眼輔行三上廿五云如河入海

失本河名何以故肉天二眼有漏因緣慧

法二眼習氣未盡故捨本位入佛眼中文

次從二住至十住各斷一品無明增一分中

道與別教十地齊次入初行斷一品無明與

別教等覺齊次入二行與別教妙覺齊從三

行已去別教之人尚不知名字何況伏斷以

別教但破十二品無明故故以我家之真因

爲汝家之極果只緣教彌權位彌高教彌實

位彌下譬如邊方未靜借職則高定爵論勲

其位實下故權教雖稱妙覺但是實教中第二行也次從三行已去至十地各斷一品無明增一分中道即斷四十品惑也更破一品無明入等覺位此是一生補處

次從二住等者妙玄五五云即是十番進

發無漏同見中道佛性第一義理以不住

法從淺至深住佛三德及一切佛法故名

十住位文次入初行等者妙玄五五云即

是從十住後實相真明不可思議更十番

智斷破十品無明一行一切行念念進趣

流入平等法界海諸波羅蜜任運生長自行化他功德與虛空等故名十行位也文

我家真因等者妙玄五二十云若十地十品

破無明圓家十住亦十品破無明設開十

地爲三十品祇是圓家十住三十品齊若

與而爲論圓家不開十住合取三十心爲三十品與別家十地三十品等者則十地與圓家十回向齊若奪而爲論別家佛地與圓家初行齊與而爲論別家佛地與圓家初地齊故知別教權說判佛則高望實爲言其佛猶下譬如邊方未靜授官則高定爵論勲置官則下別教權說雖高而猶圓家實說雖低而妙以我之因爲汝之果文爵者封也爵有五等謂公侯伯子男勲者功也十向者妙玄五六云即是十行之後無功用道不可思議真明念念開發一切法界願行事理自然和融回入平等法界海更證十番智斷破十品無明故名回向也十地位者即是無漏真明入無功用道猶如大地能生一切佛法荷負法界衆

生普入三世佛地又證十番智斷破十品無明故名十地位也文等覺者妙立五六云觀達無始無明源底邊際智滿畢竟清淨斷最後窮源微細無明登中道山頂與無明父母別是名有所斷者名有上士也文等覺位中正習俱斷如今文云更破一品無明并上妙立文斷正也淨名疏二四云無復餘習者圓教始從初住終至法雲圓斷諸見猶有習在等覺入重立門千萬億刻重修凡事見理分明習氣微薄事等微煙文此斷習也又淨名疏五卅云住等覺地餘有一品及習氣在文進破一品微細無明入妙覺位永別無明父母究竟登涅槃山頂諸法不生般若不生不生不生名大涅槃以虛空爲座成清淨法身

居常寂光土即圓教佛相也

觀經疏三云究竟佛者道窮妙覺位極於茶故唯佛與佛乃能究盡諸法實相邊際智滿種覺頓圓無上士者名無所斷無上士者更無過者文妙宗上二十一云今此極

位乃究竟具諸位功德故引法華唯我釋迦與一切佛乃能究盡諸法之權實相之實達無明底到諸法邊名邊際智不思議權智也今已究竟故名爲滿於種種法證本圓覺不思議實智也此覺極滿名爲頓圓復用第七無上士號顯智斷極有惑可斷名有上士等覺位也無惑可斷名無上士即是妙覺斷德究竟名大涅槃云無明父母者楞伽經云弑無明父斷貪愛母文涅槃山頂喻更無過上也諸法是境般若

廿

六

是智境智寂滅名大涅槃以虛空爲座者義彰法身體徧也成清淨法身者指修即性增勝而說也若論教主亦名尊特亦名勝應妙玄七三十云或言道場以虛空爲座一成一切成毗盧遮那徧一切處舍那釋迦成亦徧一切處三佛具足無有缺減三佛相即無有一異法華八方一一方各四百萬億那由他國土安置釋迦悉是遮那普賢觀經云釋迦牟尼名毗盧遮那此即圓佛果成相也文句一八云隱前三相唯示不可思議如虛空相即圓佛自覺覺他文妙樂一廿云若隱前三相從勝而說非謂太虛名爲圓佛文光明記一八云此教所說世間相當故一切法無非中道雖與別人同見尊特彼兼別修此皆性具故

龍女云微妙淨法身具相三十二欲彰全

性是故從勝特名法身文常寂光土者觀

經疏六

云常即法身寂即解脫光即般若

是三點不縱橫並別名秘密藏諸佛如來所遊居處真常究竟極爲淨土文

然圓教位次若不以六即判之則多濫上聖故須六即判位

六即位者義蘊佛經名出智者如貪女寶藏力士額珠等在諸文所明或顯法門高深或明修觀位次今文備明圓位之後後明六即欲越上慢自屈之過輔行一下卅云此六即義起自一家深符圓旨永無衆過暗禪者多增上慢文字者推功上人並由不曉六而復即文輔行一上十六云即者廣雅云合也若依此釋仍似二物相合名

即其理猶踈今以義求體不二故名爲即文妙宗上十云六種即名皆是事理體不二義文

謂一切衆生皆有佛性有佛無佛性相當住又云一色一香無非中道等言總是理即

金碑云言佛性者佛是果人言一切衆生皆有果人之性文觀經疏二云斯理灼然世間常住有佛不能益無佛不能損得之不爲高失之不爲下故言衆生即是佛理佛也文妙宗上十云世間常住者即十法

界三十世間一一皆住真如法位法位常故世間亦常文今云性相者十如中舉初二也性以據內自分不改相以據外攬而可別色香等者輔行一上二云此色香等世人咸謂以爲無情然亦共許色香中道

無情佛惑耳驚心

文

六塵中趣舉二種

圓觀諸法無非中道故經云處第四明唯
色唯聲唯香等義如觀經疏二又涅槃經
云一切皆衆生如佛如貧女舍寶衆物具
存力士額珠圓明頓在如來藏經舉十喻

草

八

幣帛裹黃金土模內像暗室餅盆井中七

寶本自有之非適今也淨名云一切衆生

皆如也寶篋云佛界衆生界一界無別界

文理即者妙宗上十云良由衆生性具染

惡不可變異其性圓明名之爲佛性染性

惡全體起作修染修惡更無別體全修是

性故得迷事無非理佛即以此理起惑造

業輪回生死而全不知事全是理長則用

理長却不知不由不知便非理佛以全是

故名理即佛以不知故非後五即然理即

佛貶之極也以其全乏解行證即但有理

性自爾即也又理即佛非於事外指理爲

佛益言三障理全是佛又復應知不名障

即佛而名理即佛者欲障後五有修德是

此之一位唯理性是也又障即佛其名猶

通以後五人皆了三障即是佛故

文

次從善知識及從經卷聞見此言爲名字即

止觀一云理雖即是日用不知以未聞

文三諦全不識佛法如牛羊眼不解方隅或

從知識或從經卷聞上所說一實菩提於

草名字中通達解了知一切法皆是佛法是

爲名字即

文

妙宗上十一云名字即佛者修

德之始聞前理性能詮名也然有收簡收

則耳歷法音不間明昧異全不聞俱在此

位簡則未得圓聞齊別內凡尚屬理即以

七方便未解妙名豈知即佛

文

依教修行爲觀行即

五品位

止觀一廿三云但若聞名口說如蟲食木偶

得成字是蟲不知是字非字必須心觀明了理慧相應所行如所言所言如所行是

名觀行文妙宗上十云始自圓聞觀佛妙

境至識次位勤行五悔若未發品此等行人皆屬名字故知名字其位甚長境觀相資塵念靡間方能得入觀行位也

文

相似解發爲相似即

十信

止觀一廿三云以其逾觀逾明逾止逾寂如

動射隣的名相似觀慧文觀經疏二云相

似者二物相類如鑰似金若瓜比瓠猶火先暖涉海初平文妙宗上十二云約四喻明

相似行人本覺寂照及雙相似而發成相

似位三種之覺此覺似真若鑰若瓜比金

比瓠此之二物喻始似本如將至火先覺

暖氣行欲近海預覩平相此之二事喻於相似近乎分真前二約法論似後二約位

論似

文

分破分見爲分證即

從初住至等覺

止觀一廿三云因相似觀力入銅輪位初破

無明見佛性開寶藏顯真如名發心住乃

至等覺無明微薄智慧轉著若人應以佛身得度者即八相成道應以九法界身得

度者以普門示現文妙宗上十二云雖得相

侶尚屬緣修今則親證屬於真修分破無明起信論中稱隨分覺寂照雙融本覺真佛分分而顯從所顯說名爲分真從能顯言名爲分證四十一位皆受此名

文

智斷圓滿爲究竟即妙覺

位

如前引觀經疏釋妙覺義

約修行位次從淺至深故名爲六約所顯理體位位不二故名爲即是故深識六字不生上慢委明即字不生自屈可歸可依思之擇之略明圓教位竟

約修行位次等者止觀大意一云即故初後俱是六故初後不濫理同故即事異故六文六種即名既皆是事理體不二義是故六即皆具事理兩種三千故理同故即理造也事異故六事造也如義書云修善修惡事造三千六也理即迷逆是修惡性名壞驢車文以陰等十爲所觀境以不思議爲能觀觀故

善性惡理造三千名字已去順性是修善性但即不妨六六處常即故得六而復即也

然依上四教修行時各有方便正修謂二十

草

十一

言二十五方便者束爲五科一具五緣二訶五欲三棄五蓋四調五事五行五法

止觀四初方便名善巧善巧修行以微少

五方便十乘觀法若教教各明其文稍煩義意雖異名數不別故今總明可以意知

然前明四教釋經方軌正爲開解若依解立行必須各明方便正修故所列方便則通四教但十乘且就圓論蓋立行以圓爲

正也不明四種三昧常坐常行半行半坐非行非坐及十

境者陰煩病業魔禪見慢乘薩蓋錄大本綱要非止觀

意故不委也妙玄明入體之門四教四門門門十乘若止觀十境境境十乘惟明圓行義例云若無十境乘則無體若無十法

名壞驢車文以陰等十爲所觀境以不思

議境等爲能觀觀故

言二十五方便者束爲五科一具五緣二訶五欲三棄五蓋四調五事五行五法

止觀四初方便名善巧善巧修行以微少

善根能令無量行成解發入菩薩位文止初觀云圓教以假名五品觀行等位去真猶遙名遠方便六根清淨相似隣真名近方便約內外凡位今就五品之前假名位中復論遠近二十五法爲遠方便十種境界

爲近方便橫豎該羅十觀具足成觀行位能發真似名近方便文輔行四上初具釋又二十五法爲通方便通四三昧故方等夢王法華六時五悔爲別方便四三昧中別於一種三昧所用故束爲五科者止觀四初云夫道不孤運弘之在人人弘勝法假緣進道所以須具五緣緣力既具當割諸嗜欲嗜欲外屏當內淨其心其心若寂當調試五事五事調已行於五法必至所在乃至三科出大論一種出禪經

具五一

是諸禪師立文調五事止觀云譬如陶師若欲得器先擇良處具緣息餘際務調治身內疾欲蓋棄調於泥輪調五事作而不廢行五法得此譬意五如指掌若欲造修當尋止觀云

初明五緣者

禪經云四緣雖具足開導由良師故用五法爲入道梯凳一缺則妨事文輔行四上二云大小兩乘以戒爲本是故先明內禁雖嚴必資衣食進修定慧須藉空閑處雖空閑假絕緣務四緣雖具開導由師文止觀大意四云一衣食具足離希望緣故二持戒清淨離惡道因故三閑居靜處離憤闇事故四息諸緣務棄猥雜業故五須善知識有諮詢地故文

一持戒清淨如經中說依因此戒得生諸禪

定及滅苦智慧是故比丘應持淨戒有在家出家大小乘不同

法界次第上十云戒以防止爲義文戒疏

上初云梵音尸羅大論云秦言性善亦云

清涼以其能止破戒熱惱從能得名亦名革

波羅提木叉譯言保解脫又名淨命亦言

成就威儀文如經中說者遺教經也輔行

四上五云引證道定復以律儀而爲根本

文在家戒者五戒八戒於五更加不坐高

廣床不着花鬘衣不往觀聽歌舞故名八

戒出家戒者比丘比丘尼沙彌沙彌尼式

義摩那此云學法女小乘沙彌十戒比丘二百

五十戒頌曰四重夷十三殘二不定三十

九十一提四提尼尼一百衆學吉七滅諍揔

論二百五十戒若論五篇者夷四波羅夷姪盜殺妾

殘十三提三十尼薩耆九十尼四提波逸提共百二十尼舍尼吉吉安

開吉羅爲惡作惡說澤即一若論六聚更加偷蘭遮若云七聚

三品不入正篇不定七滅譯篇聚不攝亦屬吉羅報劫齊六者以六聚受報劫數與等活等上六獄劫數相齊因果雜攝齊七者以惡作惡說是吉聚之因并前五聚之果故爲七聚如翻譯名義大乘即梵網十重四十八輕

凡有心者皆得受之更有大論十戒大經十戒及五支戒通大小乘具如妙玄三釋籤四廿止觀四三輔行四上六

二衣食具足

止觀四十云衣以蔽形遮醜陋食以支命

填飢瘡身安道隆道隆則本立形命及道賴此衣食此雖小緣能辦大事裸餒不安道法焉在故須衣食具足也

衣有三一者如雪山大士隨所得衣蔽形即

足不游人間堪忍力成故二者如迦葉等集糞掃衣及但三衣不畜餘長三者多寒國土如來亦許三衣之外畜百一衆

具雪山大士絕形深澗不涉人間結草爲席披鹿皮衣無受持說淨等事堪忍力成

不須溫厚不遊人間無煩支助此上人也

十二頭陀但畜三衣不多不少出聚入山披服齊整故立三衣此中士也多寒國土聽百一助身要當說淨趣足供事無得多求多求辛苦守護又苦妨亂自行復擾檀

越少有所得即便知足下士也文輔行四上十九云十二頭陀等者此云抖擻一蘭若二常乞食三糞掃衣四一坐食五節量食六中後不飲漿七塚間八樹下坐九露坐十常坐十一次第乞十二三衣今文以十

二頭陀中糞掃三衣合爲中士言三衣者但三衣也出聚落則著僧伽黎加二衣上入大衆則著鬱多羅僧加五條上入山林則唯著安陀會爲慚愧故爲多寒故許其重著皆威儀整肅長物善根故云披服齊整下根者此土多寒根性又薄大聖一許

三品通開

故三衣外聽百一及許畜長

爲下故云通開此依律說與若畜百

一記

今少異今取雪山爲上品故若畜百

一記

長沙言記憶者於百一物心中但自記憶一種謂是我物有云加法者加法受持如蓋

六物圖若畜長說淨則加法受持百一之外定須說淨詞云大德一心念此是某糞掃半長衣未作淨爲淨故施與大德糞掃衣者南山云世人所棄無復堪用義同糞掃體是賤物離自貪著不爲王賊所貪常得資身長道文三衣者一僧伽黎此云雜

碎衣條相多故從用則名入王宮聚落衣
二鬱多羅僧名中價衣從用名入衆衣三
安陀會名下衣從用名院內行道雜作衣
若云袈裟此云不正色染亦名壞色即戒
本中三種染壞皆如法也一者青色二者

黑色三者木蘭色如六物圖若據律文以
糞掃衣及但三衣爲上一百一爲中餘長爲
下今文以雪山大士披鹿皮衣爲上故以
糞掃衣但三衣爲中畜百一及畜餘長爲
下上云不畜餘長應更云不畜百一下畜
百一衆具亦應更云畜餘長也

食亦有三一者上根大士深山絕世菜根草
果隨得資身二常乞食三檀越送食僧中淨

食

止觀四十云一深山絕迹去遠人民但資

甘果美水一菜一果而已或餌松柏以續
精氣如雪山甘香藕等如是食者上士也
二阿蘭若處頭陀抖擻分衛自資七佛皆
明乞食法方等般舟法華皆云乞食也路
逕若遠分衛勢妨若近人物相喧不遠不
近乞食便易是中士也三既不能絕穀餌
松柏不能頭陀乞食外護檀越送食供養
亦可得受又僧中如法潔淨食亦可得受
下士也文輔行四下初云分衛者此云乞
食十住婆沙云乞食有十利云僧中淨食
十六仍爲下根豈可安坐房中私營別味文
三閑居靜處不作衆事名閑無憒鬧處名靜
處有三例衣食可知

止觀四七云若深山遠谷途路難險永絕
人蹤誰相惱亂恣意禪觀是處最勝二頭

陀拏極近三里交往亦疎覺策煩惱是處爲次三蘭若伽藍閑靜之寺獨處一房

不干事物正諦思惟是處爲下大

四息諸緣務息生活人事息工巧技術等止觀四十云緣務妨禪由來甚矣蘭若比

丘去喧就靜云何營造緣務壞蘭若行非所應也緣務有四一生活二人事三技能四學問一生活緣務者經紀生方觸途紛糾得一失一喪道亂心二人事者慶吊俯仰低昂造聘此往彼來來往不絕三技能者醫方卜筮泥木彩畫摹書呪術等是也四學問者讀誦經論問答勝負等是也領持記憶心勞志倦言論往復水濁珠昏何暇更得修止觀耶此事尚捨況前三務文今云等者等於學問也

五近善知識有三一外護善知識二同行善知識三教授善知識

止觀四十九云大外護者不揀白黑但能營理所須如母養兒如虎啞子調和得所舊行道人乃能爲耳是名外護二同行者更

相策發不眠不散日有其新切磋琢磨同心齊志如乘一舡互相敬重如視世尊是名同行三教授者内外方便通塞妨障皆能決了善巧說法示教利喜轉破人心於諸方便自能決了可得獨行妨難未諳不宜捨也文教授者輔行四下云宜傳聖言名之爲敎訓誨於我名之爲授文通名善知識者法華疏云聞名爲知見形爲識是人益我菩提之道名善知識文

第二詞五欲一詞色謂男女形貌端嚴修目

高眉丹脣皓齒及世間寶物玄黃朱紫種種妙色等

止觀四十二云五塵非欲而其中有味能生行人須欲之心故言五欲常能牽人入諸

魔境雖具前緣攝心難立是故須訶乃至

此五過患者色如熱金丸執之則燒聲如塗毒鼓聞之必死香如懸龍氣嗅之則病味如沸蜜湯舌則爛如蜜塗刀舐之則傷

觸如卧師子近之則齧上代名僧詩云遠

之易爲士近之難爲情香味頽高志聲色

喪軀齡文五中皆有依正二報

二訶聲謂絲竹環珮之聲及男女歌詠聲等

絲竹者絲曰絃竹曰管具有八音金石絲

竹匏土革木環珮者在指者爲環佩謂佩

帶並是飾女身者歌詠者止觀四廿云即

草

大

是嬌媚妖詞姪聲染語文輔行四下十引
提波延那僊人聞舍脂語失通五百僊人
在雪山中住聞甄迦羅女歌聲失諸禪定
云云
三訶香謂男女身香及世間飲食香等

輔行四下十云人謂着香少過今則不然
三云人謂着香少過今則不然
開結使門杜真正路百年持戒能一時壞
文

四訶味謂種種飲食肴膳美味等

輔行四下十云以着味故當受洋銅灌口

以着味故墮不淨中又

五訶觸謂男女身分柔軟細滑寒時體溫熱
時體涼及諸好觸等

輔行四下三云觸欲者生死之本繫縛之
緣何以故餘欲於四根各得其分惟此觸

欲偏滿身受生處廣故多生染着此着難捨若墮地獄還以身觸受苦萬端此觸名爲大黑暗處文

第三棄五蓋謂貪欲嗔恚睡眠掉悔疑

止觀四廿二云通稱蓋者蓋覆纏綿心神昏

世平

十九

暗定慧不發故名爲蓋前詞五欲乃是五

根對現在五塵發五識今棄五蓋即是五識轉入意地追緣過去遙慮未來五塵等法爲心內大障乃至貪欲蓋起追念昔時痈弊五欲思想計較心性猝感忘失正念

等嗔恚蓋者追想是人惱我惱我親稱喚我怨三棄五蓋謂貪欲恨心熱氣猶忿怒相續等睡眠蓋者心神昏昏爲睡六識染著氣猶相續爲眠眼名增心數法鳥暗沉塞密來覆人難可防衛等掉悔疑以甚掉

故起屬前蓋攝今覺觀等起偏緣諸法乍緣貪欲又想嗔恚蓋者追想是念不停卓卓無住乍起乍伏種種紛紜身無趣遊行口無益談笑是名爲掉掉而無悔則不成蓋以其掉故心地思惟謹慎不節云何乃作無益之事實爲可耻心中憂悔懊練繞心則成悔蓋疑蓋者此非見諦障理之疑乃是障定疑也疑有三種一疑自者謂我身底下必非道器是故疑身二疑師者此人身口不稱我懷何必能有深禪好慧師而事之將不悞我三疑法者所受之法何必中理三疑猶豫常在懷抱禪定不發設發永失此是疑蓋之相也若貪欲蓋重當用不淨觀棄之若嗔恚蓋多當念慈心減除恚火若瞋蓋多者當勤精進策勵身心

若掉散者應用數息若三疑在懷當作是
念我身即是大富貴兒具足無上法身財
寶煩惱所翳道眼未開要當修治終不放
捨又無量劫來習因何定豈可自疑失時
失利若疑師者我今無智上聖大人皆求
其法不取其人若疑法者我法眼未開未
別是非憑信而已佛法如海唯信能入大
第四調五事謂調心不沉不浮調身不緩不
急調息不澁不滑調眠不節不恣調食不飢
不飽

止觀四廿九云土水不調不任爲器五事

不善不得入禪眠食兩事就定外調之三
事就入出住調之調食者增病增眠增煩
惱等食則不應食也安身愈疾之物是所
應食略而言之不飢不飽是食調相調眠

者眠是眼食不可苦節增於心數損失工
夫復不可恣上訶蓋中一向除棄爲正八
定障故此中在散心時從容四大故各有
其意略而言之不節不恣是眠調相三事
合調者三事相依不得相離初入定時調

身令不寬不急調息令不澁不滑調心令
不沉不浮調物入細住禪中隨不調處覺
當檢校調使安隱若出定從細至物備如
次第禪門也文輔行四下廿三云故禪門中
調身云夫坐者須先安處使火無妨若半
跏以左壓右牽來近身使與左右脣齊若
欲全跏更踴右以壓左寬衣帶周正身勿
令坐時更有脫落手以左壓右重累相當
置右脚上亦令近身當心安置挺動支節
七八許度如按摩法勿曲勿聳正頭直項

令鼻對臍不偏邪不低昂身如砥石無得
騷動無寬急過是身調相調息者身既調

已次開口吐肯中氣自恣而出使身中百
脉處皆悉隨氣出次閉口鼻中納清氣如
是至三若息已調一度亦足次閉口唇齒

纔相挂舌向上齶閉眼纔令斷外光次簡
息風氣息若調者則易入定次調心者一
者調亂令不越逸二者調心令沉浮得所

若心沉時繫念鼻端若心浮時安心向下

云

第五行五法一欲欲離世間一切妄想顛倒
欲得一切諸禪定智慧門故二精進堅持禁

戒棄於五蓋初中後夜行勤精進故三念念
世間欺誰可輕可賤禪定智慧可重可貴四
巧慧籌量世間樂禪定智慧樂得失輕重等

五一 念慧分分見世間可患可惡善識
禪定智慧功德可尊可貴

止觀四卅 云上二十法雖備若無樂欲希

慕身心苦策念想方便一心決志者止觀
無由現前若能欣習無厭曉夜匪懈念念

相續善得其意一心無異此人能進前路
一心譬船柁巧慧如點頭三種如篙櫓若
少一事則不安隱文

此二十五法爲四教前方便故應須具足若
無此方便者世間禪定尚不可得豈況出世
廿

妙理乎然前明教既漸頓不同方便亦異依
何教修行臨時審量耳

止觀四未 云此二十五法通爲一切禪慧

方便諸觀不同故方便亦轉譬如曲弄既

別調絃亦別文

次明十乘觀法亦四教名同義異今且明圓
教餘教例此

大本十乘雖通四教但十法名同偏圓義
異今揀偏明圓故云且明圓教輔行五上
六 云觀法非十對根有殊雖復根殊但是

一不思議觀觀不思議境乃至離愛不離
境故又次位下三雖非觀法並由觀力相
從名觀故名十觀又備此十令觀可成故
名成觀亦名成乘前之四法用無前後通
塞等三成就前四次位等三以判前七

七 云故知前七正明車體及以
輔行七下

文

云故知前七正明車體及以
具度後三只是乘之所涉若無所涉運義
不成是故十法通名乘也

文

一觀不思議境謂觀一念心具足無減三千
性相百界千如即此之境即空即假即中更

革

圭

不前後廣大圓滿橫豎自在故法華經云其
車高廣

上根正觀此境

此初乘觀忘能所故從境受名又爲九乘
本稱本修九方堪入位謂觀一念心等者
即現前陰妄一剎那心稱性而觀具三千
法不唯三科揀境明一念心正當於此揀
思議心取不思議心也故妙樂一云揀境
及心光句記一云須去思議取不思議方
名揀心

文

即達陰境成不思議境也既云

三千性相復云百界千如者以三千法約
百界千如歷三世間而論也即此之境等
者即境爲觀即空假中境觀不二三一互
融更不前後亦不一時不縱不橫絕思絕
議此境周徧故廣大無法不備故圓滿橫
周十界堅徹三諦橫豎相即故云自在法

華車體其在是歟其車高廣文句五七云
假名車有高廣相譬如來知見深遠橫周
法界之邊際堅徹三諦之源底文上根等
者義例云上根之人即於境種而生於果
爲中下根復論九乘大意云又此十法雖
俱圓常圓人復有三根不等上根惟一法
中根二或七下根方具十文然此不思議
境在止觀中具明三境一性德境觀一念
心具三千法二修德境推本具心離四性
計三化他境解離四性無妨四說蓋即性
德而爲修德如輔行云其實但推本具理
心文當修德時而有化他之解非即說法
也如輔行云初心依理生解與起教後心
不同文雖分三境只在一心用觀推求正
在修德益末行者離四句外無修觀處

今文云具足無滅等即性德也即空假中
即性而修也如義書第二心具三千是假
此之三千假觀非法性自生無明他生自他共離
而造故空觀約此空假遮照不偏名爲中道
文又輔行釋修德云不得而得三諦宛然
他文不得者空觀遼情也而得者假觀照性
也遮照不偏中道在焉今缺明化他境者
修德離四性時而有無妨四說之解即化
他也

一真正發菩提心謂依妙境發無作四弘誓
願憫已憫他上求下化故經云又於其上張
設幘蓋

輔行五中四十問應先起誓後觀妙境何故
境後方云發心答境前非不發心具如五
畧中意今發重爲成觀故須緣理益他文

大意五云觀境不悟須加發心此人無始已起弘誓今由觀境不契於理重須發誓於靜心中思惟彼我鯁痛自他無量劫來沉迴生死縱發小志迷菩提心我今雖知行猶未備故重發誓言等文張設憶蓋者

廿七云譬四無量衆德之中慈悲最

高普覆一切也

三善巧安心止觀謂體前妙理常恒寂然名爲定寂而常照名爲慧故經云安置丹枕車內

枕

輔行五中十云善以法性自安其心故云安心文大意六云安心者先總次別所言總者以法界爲所安以寂照爲能安若知煩惱及以生死本性清淨名之爲寂本性如空名之爲照此煩惱生死復名法界即

此法界體用互顯體是所安之法界用是能安之寂照所言別者雖復安之彌暗彌散良由無始習性不同故今順性逐而安之謂宜聽宜思宜寂宜照隨樂隨治隨第一義何以故有因寂照而善根增長有不

增長有因寂照煩惑破壞或有不破見理亦然或聞思而回轉或聞思相資未可卒

具細尋方曉文今文畧明總安心故云常

恒等也安置丹枕者文句五廿七云若車內

枕者休息身首譬一行三昧息一切智一

切行也丹即赤光譬無分別法也妙樂六

廿四云智首行身三昧如枕所息得理法理

而然赤光等者無他法間名無分別以光譬智故云智光朱正紫間故以赤表無雜之光南山注經首云西方無木枕皆以赤

皮內羞綿毛用倚卧也赤而且光

文輔行

七下廿七云若車內枕休息衆行即安心也

四破法徧謂以三觀破三惑三觀一心無惑

不破故經云其疾如風

大意七云衆教諸門大各有四乃至八萬

卷一

四千不同莫不並以無生爲首今且從初

於無生門徧破諸惑復以無生度入餘門

縱橫俱破令識體徧

文輔行七上六云今

一心具三破次第之三故云一心三觀破堅通塞三觀一心能破橫者彼橫三觀離

屬三人並在初心故三不合一今以三只是一破彼分張之三故云三觀一心破橫通塞應知一心三觀與三觀一心言互理同爲破橫堅翻對而說

文八正道中行速疾到薩婆若故其疾如風

五識通塞謂苦集十二因緣六敵塵沙無明爲塞道滅滅因緣智六度一心三觀爲通若

通須護有塞須破於通起塞能破如所破節

節檢校名識通塞經云安置丹枕

車外枕

大意七云雖知生死煩惱爲塞菩提涅槃

爲通復應須識於通起塞此塞須破於塞得通此通須護如將爲賊此賊豈存若賊爲將此將豈破節節檢校無令生着著故名塞破塞存通非唯一轍有心皆爾念念常須檢校通塞

文安置丹枕者文句五十

草云車若駕運隨所到處須此支昂譬即動而靜即靜而動

文妙樂六廿四云丹枕云支

昂者即車外枕車住須支支之恐昂故云支昂支持也昂舉也譬動靜相即者車行枕開即動車息枕用即靜用時常靜閑時

常動實體與用亦復如是自因之果法性

無動所以如風不移寂然而到萬行無作

衆智莫觀此則三德俱不二也以三即一

故使爾耳文輔行七下上云若車外枕或

動或靜動靜祇是通塞義也文

六道品調適謂無作道品一一調停隨宜而

入經云有大白牛等已上五中根

大意七云約門徧破於理又昧應須七科

次第調試若不爾者此之道品爲誰施設

以破徧門雖觀陰境陰上未分念處名故

况有牛車運轉調停故用此門檢校銓擇

文實相爲車體道品爲前導故喻白牛白

牛等者等於經中膚色充潔形體姝好有

大筋力行平正文也大意以中根至七

乘今至第六者以正助分中下也

七對治助開謂若正道多障圓理不開須修事助謂五停心及六度等經云又多僕從此下根爲

大意八云七助道對治者涅槃云衆生煩惱非一種佛說無量對治門夫不信有對

治之人當知此人未曉正行若識已身正行未辨良由事惡助於理惡共蔽理善令不現前事惡若去理善易明故先修事度以治事惡事惡傾已理善可生文

八知位次謂修行之人免增上慢故大意八云下根障重非唯正助不明却生上慢謂已均佛未得謂得未證謂證須知次位使未紫不濫若未證得而謂證得非唯失位却墮泥犁故小乘經中四禪比丘謂爲四果大乘經中魔與菩薩授跋致記

若生取著必用涅槃尚夫人天何關至道故大小經論咸明次位文於此知位次中

彌修五悔

九能安忍謂於逆順安然不動策進五品而入六根

大意九云圓頓行人初入外凡外招名利內動宿障宿障縱薄名利彌至爲衆圍繞廢損自行因茲破敗豈能進道外人視之

猶謂大聖如樹抱竭表似內虛唯當自勉不爲所動得入內凡名爲似位文謂於逆

順等者逆是煩惱業定見慢等從內來破者當以內三術治之謂空假中也順則名

譽羅胥利養毛繩眷屬集樹妨蠹內侵枝葉外盡從外來破者當以外三術去之一

莫受莫着二縮德露毗三一舉萬里如止

世子

元

十無法愛謂莫著十信相似之道須入初住真實之理經云乘是寶乘遊於四方逐四十位直至道場妙覺位

大意九云若專住似位名爲法愛已得相似六根互用已破兩惑永無墮苦愛此似

位名爲頂墮若修離愛進入銅輪名爲十住分身百界一多相即身土既爾已他亦然十身利生四土攝物文

謹案台教廣本抄錄五時八教略知如此此結所錄五時八教天台判釋儀式也

若要委明之者請看法華玄義十卷委判十方三世諸佛說法儀式

所判聖教一期施化之相也

猶如明鏡及淨名玄義中四卷全判教相

妙樂一十云淨名前玄總有十卷因爲晉

王著淨名疏別製略玄乃離前玄分爲三部別立題目謂四教六卷四悉兩卷三觀兩卷後人合六爲四今云淨名玄義中四卷是也

自從此下略明諸家判教儀式耳

今依大本玄義抄錄綱要彼文今師判教之後備叙諸家今略去而不明也如是則顯上一書判釋儀式在今天台然所判是如來說法儀式能判是大師判教儀式兩種不分而分須善識焉

天台四教儀集註卷第九

音釋

鉗	四迷 切	糾	他口 切	懸	禪列 切	齧	魚結 切	紈	莫割
跋	蒲 足 且 色	擊	急 禮 鮮	也	性 切 也	齧	魚 古 也	紈	莫 切 也
						七	全		
						此			

世十

三